



## VISCHNAUNCA DA RUEUN

---

### Uorden da sepultura e santeri

sebasond sin art. 12 alinea 2 dalla lescha davart ils fatgs da sanadad dil cantun Grischun, approbau dalla radunonza communal da Rueun ils 08 da december 2006.

#### I. Organisaziun, menaschi e survigilanza

##### Art. 1

La survigilanza digl uorden da sepultura e santeri ei incumbensa dalla suprastonza communal. Ella ei responsabla per l'execuziun digl uorden da sepultura e santeri.

survigilanza  
ed execuziun

##### Art. 2

La suprastonza communal ha principalmein ils suandonts pensums:

pensums

- a) relaschar l'ordinaziun per il diever e manteniment dil santeri,
- b) da survigilar ch'igl uorden da cavar fossas ed ereger monuments vegni risguardaus,
- c) conceder la lubientscha e dar la disposiziun da rumir ed allontanar fossas, suenter ch'il temps da ruaus ei spiraus,
- d) conceder lubientschas extraordinarias per la sepultura da jasters,
- e) nominar e survigilar il persunal necessari per igl uorden da santeri,
- f) controlla dil register da fossas.

## II. Uorden da sepultura

### Art. 3

In defunct astga vegnir mess el vischi pér suenter la constataziun ufficiala dalla mort entras in miedi cun pratica en Svizra.

metter el vischi

Per il metter en vischi baras cun prighel d'infecziun ein las prescripziuns federalas decisivas.

### Art. 4

Il transport da baras ni urnas en caplutta da morts ei caussa dils parents. Las prescripziuns specialas da confederaziun e cantun ein resalvadas.

transport da baras

La sepultura sa haver liug sil pli baul 48 uras suenter la mort, sto denton succeder sil pli tard 72 uras suenter la mort. En cass specialas sa il miedi districtual dar lubientschas excepziunalas.

temps da spetga

### Art. 5

Tuttas vischinas e tuts vischins da Rueun, tuts domiciliai a Rueun, tut quels ch'eiin morts e la bara silsuenter vegnida anflada sin territori dalla vischnaunca da Rueun, vegnan setrai sin il santeri public.

dretg da sepultura

A negin astga vegnir snegau ina undreivla sepultura sil santeri public. Sin giavisch dil defunct ni da ses parents sa la sepultura, cun lubientscha dalla suprastonza communal d'in'otra vischnaunca, haver liug en lez santeri.

### Art. 6

Persunas senza domicil a Rueun ch'eiin buca mortas ni vegnidas anfladas mortas sin territori da vischnaunca, astgan vegnir satradas a Rueun mo cun lubientscha speciala dalla suprastonza communal.

lubientscha da sepultura

### Art. 7

Per metter en bara tut ils defuncts stat la caplutta da morts sper baselgia a disposiziun.

metter en bara

Il temps maximal da metter en bara munta 3 dis. Urnas astgan star silpli 5 dis en caplutta da morts.

### Art. 8

La canzlia communal ordeina il cavar e la preparaziun dalla fossa e pren las disposiziuns necessarias en cass specialas, sco per exempel tier baras ch'eiin vegnidas anfladas sin territori da vischnaunca, per las qualas igl ei buca pusseivel d'eruir ils parents e responsabels. Per talas prepara ellauttas mesiras necessarias per la sepultura.

preparaziun da sepultura

**Art. 9**

Il curclar la fossa ei caussa dil luvrer communal.

curclar la fossa

**Art. 10**

Las taxas per la sepultura serefereschon sin igl uorden da taxas da sepultura e santeri, relaschous dalla suprastanza communal.

taxas da sepultura

**Art. 11**

Il cuoz e la dimensiun dil tuchiez da sepultura sedrezza suenter igl usit dalla pleiv s. Andriu.

tuchiez

**Art. 12**

Il santeri entuorn la baselgia da s. Andriu ei en posses dalla pleiv da Rueun. Alla vischnaunca politica vegn concediu il dretg permanent da siu diever.

posses

### III. Uorden da santeri

**Art. 13**

La canzlia communal meina in register da fossas, el qual il num, prenum, gi da naschienscha e gi da mort da tuts satrai ein dad impurtar. Quei register da fossas vegn controllaus dalla suprastanza communal.

register da fossas

**Art. 14**

La partiziun dallas fossas sedrezza tenor il register da fossas, il qual vegn relaschous dalla suprastanza communal. Tala ei responsabla da tener bein a quen il plaz disponibel per quei intent.

partiziun dallas fossas

Las fossas vegnan fatgas en retscha successiva. Igl ei pusseivel dad haver fossas cun baras en vischi sco era fossas cun urnas (rama e monument).

Las urnas vegnan medemamein satradas en las retschas-fossa destinadas per quei intent.

**Art. 15**

La distanza denter las singulas fossas e fossas d'urnas mesira sil pli pauc 30 cm.

grondezia dallas fossas ed urnas

Las profunditads minimalas dallas fossas muntan:

- per fossas 1.50 m
- per urnas 0.80 m.

profunditads

**Art. 16**

Mintga vischi e mintg'urna ein en general da satrar en ina fossa separada.

satrada

Sin giavisch dil trapassau ni dils parents san urnas era vegnir satradas en ina fossa gia existenta, ni pliras urnas astgan vegnir satradas en la medema fossa.

La fossa vegn denton era en quei cass allontanada, cura ch'ella ei en retscha e buca tenor il temps da ruaus dall'urna.

#### **Art. 17**

Il temps da ruaus per tuttas fossas ei vegn onns. Tier fossas che vegnan aviartas suenter il temps da ruaus ein ossadira ed urnas restontas da satrar dueivlamein.

temps da ruaus

#### **Art. 18**

L'exhumaziun d'ina bara avon la spirada dil temps da ruaus ei scumandada. Per excepziuns ei il departament da justia e sanitad cumpetents.

exhumaziun

#### **Art. 19**

Suenter il temps da ruaus da vegn onns sa la suprastonza ordinar ina rumida d'ina part dil santeri. Quei sto vegnir publicau officialmein e communicau als descendents silmeins treis meins avon il termin d'allontanaziun.

rumida da fossas

#### **Art. 20**

Succeda l'allontanaziun buca enteifer il termin fixau, sa la suprastonza communal schar executir quella lavur entras tiarzas persunas. Ils cuosts per quell'allontanaziun vegnan mess a quen als descendents.

allontanaziun

Sur da monuments, cruschs-fossa e ramas che vegnan buca allontanai enteifer il temps fixau dispona la suprastonza communal.

#### **Art. 21**

Per la sutterrada eis ei da far diever da vischals ord specia da lenn lom. Ei la bara supplementarmein tier il vischi aunc enzugliada en ina folia da metal ni plastic, sto ei vegnir procurau en moda curvegnenta per sufficienta adducziun d'aria tier la bara.

qualitad dils vischals

#### **Art. 22**

Las fossas ston vegnir enramadas cun ina rama da crap ni betun.

ramas, segns fossas

La mesira dallas fossas munta:

- 60 sin 160 cm per fossas cun baras en vischi ni urnas
- 60 sin 60 cm per fossas d' urnas

Cruschs e monuments ston s'accordar e s'adattar al contuorn ed astgan esser fabricai ord crap ni fier. En l'altezia astgan cruschs e monuments da fossa buca survargar 1.40 m la surfatscha dalla tiara, en la ladezia buca 60 cm.

Plattas per urnas duein haver ina pendenza da 15%, ed ina grossezia da 15 cm. Ei astga vegnir eregiu negins monuments sin fossas d'urnas cun la mesira da 60 sin 60 cm.

Mintga crusch / monument / platta duei purtar num, prenum, gi da naschientscha e gi da mort dil defunct.

Cruschs ni monuments specials drovan ina lubientscha dalla suprastonza communal. Il terren ordeifer la rama astga buca vegnir surplantaus.

Tuts monuments e cruschs astgan vegnir eregidas sil pil baul 12 meins suenter la sepultura. Il material restont sto vegnir allontanaus immediatamein ord santeri.

Cruschs, monuments, ramas e plattas d'urnas da fossas rumidas, ein d'allontanar ord santeri entras ils parents.

### **Art. 23**

Tgi ch'ei en possess da fossas e monuments da fossas ei obligaus da mantener quels en bien stan. Tier negligientscha dil duer da manteniment ordeina la suprastonza communal il manteniment cun adossar ils cuosts als descendents.

manteniment

Il plantar plontas e caglias sin las fossas ei scumandau.

Mintga privat ha da zerclar era entuorn la fossa.

La tgira dalla fossa tier munconza da parents procura la vischnaunca entras surdar l'incarica ad ina tiarza persuna, che vegn indemnisada persunter, aschilunsch ch'igl ei pusseivel ord il relasch dil defunct.

Il manteniment digl ulteriur territori da santeri ei caussa dalla vischnaunca.

### **Art. 24**

Mintgin ha il dretg da visitar il santeri.

schurmetg dil santeri

Igl ei en special scumandau:

- da far canera e sedepurtar disturbont sin intschess dil santeri,
- da far donn e tschuffergnar las fossas sco era igl ulteriur intschess dil santeri,
- d'encurir ni allontanar plontas e fluras senza dretg,
- da prender tgauns en santeri.

### **Art. 25**

Per tuts cass buca stipulai en quest uorden valan las prescripziuns cantunalas e federalas.

prescripziuns subordinadas

## IV. Determinaziuns finalas e penalas

determinaziuns  
penalas

### Art. 26

Cuntravenziuns a quei uorden e singulas disposiziuns dalla suprastanza communal, vegnan punidas conform allas cumpetenzas dalla suprastanza communal.

L'execuziun dall'ordinaziun sin donn e cuost dil caschunader sco era la remessa al derschader penal restan resalvadas.

La procedura sedrezza tenor las prescripziuns cantunales dalla procedura penala avon las autoritads administrativas.

### Art. 27

Present uorden passa en vigur cun l'approbaziun entras la radunonza communal dils 23 d'october 2009 e remplazza tal dils 08 da december 2006 e tuts precedents

entrar en vigur

Aschia concludiu dalla radunonza communal dils 23 d'october 2009

La presidenta communal:

Igl actuar communal:



Brida Janki

Claudio Carigiet



## Uorden da taxas tier igl uorden da sepultura e santeri

	defuncts cun davos domicil en vischnaunca	defuncts cun domicil ordeifer
a)	retscha-fossa      gratuit	frs. 600.-- + cuosts cavafossa
b)	fossa per urna      gratuit	frs. 600.-- + cuosts cavafossa
c)	exhumaziun tenor cuosts	tenor cuosts